

Viloyat ijtimoiy-siyosiy gazetasi

1928-yil 11-dekabrda asos solingan

# НАҚІҚАТІ

2025-yil 22-yanvar / CHORSHANBA / № 1 (13762)



Қишлоқ хўжалиги вазири Иброҳим Абдураҳмонов вилоятимизнинг **ТОШКЕНТ ва ЗАНГИОТА туманларида** бўлиб, аграр секторда амалга оширилаётган ислохотлар билан яқиндан танишди. Хусусан, фермер ва деҳқон хўжалиқларида қарашли дала четларидан унумли фойдаланиш, ариқ ва зовурларни тозалаш, қишки тадбирларни ўз вақтида ва самарали ташкил этиш масалаларига алоҳида эътибор қаратилди.



## Қарор ва ижро

### КАМБАҒАЛЛИКДАН – ФАРОВОНЛИК САРИ

Тошкент вилояти маҳаллаларида камбағалликни қисқартириш, аҳолини иш билан таъминлаш ва уларнинг даромадини ошириш бўйича амалга оширилаётган саъй-ҳаракатлар ўз самарасини бермоқда. Хусусан, жойларда масъул раҳбарларнинг ўрганишлари, “маҳалла еттилиги” фаолиятини бошлаганидан сўнг бу борадаги ишлар анча жаллашди.



Мутахассисларнинг маълумотига кўра, 2024 йилда бандлик дастури бўйича белгиланган режалар бажарилиб, ишсизлик даражаси вилоят бўйича 5,1 фоизни ташкил этган. Аммо, Бўка, Қўйи Чирчиқ, Оққўрғон ва Бекобод туманларида бу кўрсаткич юқориликча қолмоқда. Айниқса, “Камбағалликдан – фаровонлик сари” давлат дастури бўйича 7 та йўналишда 39,1 минг нафар аҳолининг даромади тикланиб, камбағаллик даражаси пасайди.



## Вилоятимизда ақлли тиббиёт кластери

корейликлар билан ҳамкорликда ташкил этилмоқда



Мазкур лойиҳани амалга ошириш мақсадида Тошкент вилояти ҳоқими Зойир Мирзаев Жанубий Корейнинг “Хауеан Аркитекче” компанияси вакиллари билан учрашди.

Дастлаб, компания директори Гонг Гибум томонидан тақдим қилинган Юқори Чирчиқ туманида “Ақлли тиббиёт кластери”ни ташкил этиш лойиҳаси билан яқиндан танишилди.

Унда замонавий, халқаро

стандартларга мос келадиган, тиббиёт йўналишидаги туристларни қабул қиладиган йирик муассаса, шошилинч тиббий ёрдам маркази, Корейнинг нуфузли халқаро тиббиёт университети филиали, мазкур йўналишдаги

халқаро мактаб ва мактабгача таълим муассасаси, бизнес ва савдо маркази, меҳмонхона, кўп қаватли уй-жой мажмуаси қурилиши муҳокама қилинди. Учрашув давомида бир қатор тақлифлар кўриб чиқилди. Ўз навбатида, вилоят раҳбари ушбу лойиҳага ҳар томонлама ёрдам кўрсатилишини таъкидлади.

Тошкент вилояти ҳоқимлиги Ахборот хизмати

## ИЗЛАГАН ИМКОН ТОПАДИ



### Пресс-тур

Юртимизда “Камбағалликдан – фаровонлик сари” давлат дастури ижроси, шунингдек, маҳаллаларда ҳоқим ёрдамчилари ташаббуси билан ташкил этилаётган микролойҳалар, хонадон томорқаларидан самарали фойдаланиш, уй шароитида ишлаб чиқаришни йўлга қўйиш борасида қилинаётган ишлар бугун кўпчилиكنинг диққат марказида.

Юқори Чирчиқ туманида оммавий ахборот воситалари ходимлари учун ташкил этилган пресс-турда айнан шу масалаларга эътибор қаратилди.

(Давоми 2-саҳифада)

## Вилоят бўйлаб

**ЯНГИЙЎЛ** туманининг “Кўкаламзор” маҳалласидаги қаровсиз ётган майдонда бир муддат аввал хитойлик тадбиркор томонидан ўрдақчилик йўлга қўйилган эди. Ҳозирда бу ерда ўрдақнинг турли наслари кўпайтирилиб, гўшти бозор расталарига чиқарилмоқда.



Вилоят ҳоқимининг тегишли қарорига кўра, **АНГРЕН** шаҳри ҳудудида жойлашган “Нишбош” кўмир конини кенгайтириш лойиҳасига “Грум” маҳалласидан 31,80 гектар ер майдони ажратилди. Ҳозирда қанда баҳолаш қудуқларини бургулаш ва геологик намуналар олиш ишлари бажарилмоқда. Кон ишга тушган, йилига 8-10 миллион тоннагача кўмир қазиб олиш режа қилинган.



**ОҲАНГАРОН** туманининг «Шовғоз» маҳалласи ҳудудида жойлашган ДХХ чегара қўшинларига қарашли постда 24 хонадондан иборат 4 қаватли тураржой биноси фойдаланишга топширилди.



**БЎСТОНЛИҚ** туманининг «Қоронқул» маҳалласи ҳудудида 50 гектар ер майдони адаптив спорт турлари билан профессионал шуғулланувчи ногиронлиги бўлган шахслар учун машғулот базаси барпо этиш мақсадида ажратилди.



**ПИСКЕНТ** туманида фольклоршунос олима Музаяна Алавиянинг илмий-ижодий меросини ўрганиш ва уни кенг жамоатчиликка тарғиб қилишга қаратилган тадбир бўлиб ўтди. Унда халқ оғзаки ижоди намуналарини ўрганиш ва уларни ёшларга етказиш, шунингдек, маънавиятни юксалтириш йўлида хотин-қизларнинг фаоллигини ошириш масалаларига эътибор қаратилди.



Обуна-2025

Азиз газетасин!

“Тошкент ҳақиқати” газетасига 2025 йил учун обуна давом этмоқда.

Боғлиқ телефонлар:  
(55) 520-21-20;  
(97) 432-00-35



Нашр индекси – 205

## Бугунги Сонда:

Картошка захираси етарли(ми?) 2



АБДУ НЕЛАРГА ҚОДИРА 3



Шеърнинг зўри – тўрт сатр 4





Бугуннинг гапи

2004 йил 29 февраль. Футбол бўйича Олий лигада зўр-базўр жон сақлаб қолган Бекободнинг "Металлург" жамоаси янги мавсумга тайёргарликни давом эттирарди. Бироқ негадир бу галги машгулотларда клубнинг мудофаа чизғи вакили Ҳикмат Ҳошимов қатнашмаётган эди. Мураббийлар штаби ҳимоячининг ўз оғоҳлантиришсиз бундай йўл тутганидан ғазаб отига минган, ҳаттоки у билан шартнома ни бекор қилишни ўйлашарди. Шу орада футболчи машгулот жараёнларига келиб қўшилди. Маълум бўлишича, у шу кунги ўғил фарзандли бўлган экан.

Ўша гўдак бугун Ўзбекистон миллий терма жамоаси ҳимоясини ушлаб турган, жаҳон футболнинг энг иқтидорли ёшлари қаторида эътироф этилаётган Абдуқодир Хусановдир. Кимсан Англиянинг "Манчестер Сити" клуби оромини ўғирлаган, инглизлар мураббийи Пеп Гвардиололанинг шахсан ўзи унга кўнғироқ қилиб, жамоасига қорлаган 20 ёшли ўғлоннинг босяб ўтган йўлини энди-энди етишиб чиқаётган футболчилар учун ўрнак қилса арзийди. Ҳар қалай, у ҳозирги даражага етганига қадар озмунча қийинчиликни бошидан кечиргани йўқ...

"Бунёдкор" рад этган иқтидор

Болалигидан футболга қизиққан Абдуқодир 7 ёшида Тошкентнинг "Бунёдкор" жамоаси академиясига қабул қилинади. Ушанда отаси Ҳикмат Ҳошимов фарзандининг ўз кучи билан футболга киришини хоҳлаб: "Мени кўриб қолишса уни бошқа тарбияланувчилар қаторида кўрмаслиги мумкин. Академиядагилар бу менинг ўғлим эканлигини билмаслиги керак", деб Абдуқодирни машгулотларга ҳам олиб бормас эди. Отасининг ўрнига бу ишни амакиси бажарарди.

Отасининг ўғитларига қулоқ тутган ёш футболчи машгулотларга зўр берар, ўз позициясида етакчи бўлишга уринарди.

2020 йилда "Бунёдкор" клуби ҳимоя чизғи вакиллари бирин-кетин жараҳат олиб сафдан чиқибди. Шунда мураббийлар ушбу бўшлиқни академия тарбияланувчилари орқали тўлдирини мақсад қилиб, бир нечта ҳимоячиларни ўринбосарлар таркибига жалб қилишди. Улар орасида 16 ёшли Абдуқодир Хусанов ҳам бор эди. Бироқ, синов жараёнларида мураббийлар Абдуқодирга: "Сен ҳали бизнинг даражамиздаги футболчи эмассан", дея уни ёшлар жамоасига қайтариб юборишди. Бу ёш иқтидорга жуда оғир таъсир қилади. Шунда ҳам у раҳбарият имконият беришини кутиб, яна машгулотларга зўр беради. Бироқ амалда бундай бўлмайди. Охир-оқибат, у мураббийларнинг қарори хатолигини исботлаш мақсадида академияни тарк этиб, Беларуссия чемпионати вакили "Энергетик-БГУ" сафига бориб қўшилди. У ерда ўзининг нималарга қодирлигини майдонда исботлаб, дастлаб Францияга, кейин Англияга йўл олди.

Дарвоқе, даражасининг паст эканлигини айтиб, асосий таркибга жалб қилмаган "Бунёдкор" клуби шу футболчининг "Манчестер Сити"га трансфери ортидан 2 миллион евродан ортиқ даромадга эга бўлди. Гап шундаки, трансфер ҳужжатларида уни тарбиялаган академия ҳисобига тўланаётган сумманинг маълум фоизини ўтказиб берилиши ҳақидаги банд мавжуд. "Бунёдкор" мазкур маблағ ҳисобидан олдидаги қарзларидан буткул қутулди. Шу воқеадан кейин клуб ўз хатоларини тушуниб, бундай ҳол бошқа тақдорланмаслиги учун тизимдагиларни янгилади. Хусусан, ёшлар жамоасига Абдуқодир Хусановнинг отаси Ҳикмат Ҳошимов бош мураббий этиб тайинланди.

Юз долларлик маошдан 50 миллионлик трансфергача

Абдуқодирнинг Беларуссия чемпионатидаги саёҳати осон кечди, деб бўлмайди. У ўзининг маҳоратини исботлаш учун кўп нарсадан воз кечган. Иқтидорли ҳимоячи профессионал шартнома тузиш учун етарли ёшга тўлмагани боис бир йил ўрин-

босарлар таркибиде ҳеч қандай маошсиз тўп тепишга ҳам рози бўлди. Ушанда бу футболчиға деярли ҳеч бир ўзбек мухлис мутахассислари эътибор қаратмаганди. Ва ниҳоят, 2022 йилга келиб Хусанов фаолиятида илк профессионал шартнома ни имзолади. Ушанда унинг ойлик маоши бор-йўғи 100 доллар этиб белгиланганди (2022 йилда долларнинг ўзбек сўмига нисбатан қиймати 10 900 сўмдан ошдиқроқ эди. Бу дегани футболчи бир ой учун деярли 1,1 миллион сўм маош оларди).

– Ушанда кўчада оддий қоғоз териб сотувчилар ҳам мендан кўпроқ пул топишарди, – дея эслайди Абдуқодир Хусанов. – Клубдаги вазифамиз эса фақат тўп тепиш билан чекланиб қолмасди. Доим хоналарни ўзимиз йиғиштирдик. Ҳатто кишда машгулотлардан олдин майдонни қордан тозалардик. Лекин, футболга бўлган иштиқом сабаб, бу қийинчиликлар кўзга кўринмасди.



АБДУҚОДИР НЕЛАРГА ҚОДИР?

Абдуқодир учун пул эмас, спорт муҳимлиги ана шу қарориде мужассам эди. У Беларуссиядаги бир ярим йиллик фаолиятида ўз устиде тинимсиз ишлаб борди. Натижалари ҳам шунга яраша бўлди. 18-19 ёшлар атрофидаги ҳимоячи бир ярим мавсумда 35 та ўйинда майдонга тушиб, мудофаадаги вазифасидан ташқари 4 бор рақиб дарвозасини ҳам ишғол қилди. Аслида, вакилимизнинг бу ердаги саргузашлари кўпроқ давом этиши мумкин эди. Бироқ, мамлакат футбол федерацияси томонидан "Энергетик-БГУ" тотализатор ўйинларида иштирок этганлиқда айбланиб, кўйи лигага тушириб юборилди. Натижада, жамоа моддий қийинчиликларга дуч кела бошлади. Бундан чиқиб кетишининг

Францияда дастлаб унинг кучига ишонишмай, асосан, ўринбосар сифатида қарашди. Аслида, кучли чемпионатлар вакиллари Осиедан фақат корейс ва япон футболчиларининг салоҳиятини юқори баҳолаб, қолган мамлакатлар футболчини ривожланмаган деб ҳисоблашади. Абдуқодир сабр қилиб, ўз имкониятини кутди. Бу орада "Ланс" ҳимоясини жараҳат олиб сафдан чиқди. Мураббий ноилж 19 ёшли ўзбек ҳимоячисини майдонга туширишга қарор қилди. "Қафасдан чиққан йўлбарс" мисоли майдонга тушган вакилимиз эса рақибларини шунчаки ер тишлади. Унинг шиддатли ҳаракатлари мураббийларга жуда маъқул бўлди. Бора-бора

ропа бўйлаб ёйилиб, "совчи"лари кўпая бошлади. Франциянинг энг кучли клуби "ПСЖ" биринчилардан бўлиб ҳамюртимизга оғиз солган бўлса, ортидан Англиянинг "Манчестер Сити", "Челси", "Тоттенҳем", "Ньюкасл Юнайтед", "Вулверхемптон", Испаниянинг "Реал Мадрид", "Атлетико Мадрид" ҳамда Германиянинг "Боруссия Дортмунд", "Байер Леверкузен", "Лейпциг" каби жамоалари футболчимиз учун курашга қўшилди. "Ланс" эса бундай вазиятдан унумли фойдаланиб, нархни анчагина оширди. Яқунда курашда моддий томонлама қудратли бўлган "Манчестер Сити" клуби голиб бўлди. Улар ёш иқтидоримиз учун 40 миллион евро ҳамда кейинчалик бонус сифатида қўшимча 10 миллион евро, жами 50 миллиондан воз кечишди. Натижада, Абдуқодир Англия чемпионатида энг қиммат нархга харид қилинган осиелик футболчиға айланди.

Бугун хориз нашрлари у ҳақида тинмай бонг ўрмоқда. Ҳаттоки, Испаниянинг дунёға машҳур "Марса" нашри футболчимиз ҳақида мақола тайёрлади. Инглиз ОАВлари эса "Манчестер Сити"нинг кейинги ўйинлар учун тахминий таркибини тузишар экан, вакилимизни асосий таркиб ўйинчиси сифатида танлашди. Шунларнинг ўзи ҳимоячимизға бўлган ишончининг қанчалик юқори эканлигини кўрсатиб турибди. Футболчимиз янги клуби сафида 45-рақамни танлади. Илгари ушбу рақамда Майка Ричардс ҳамда Марио Балотелли каби футболчилар ҳаракат қилган.

Абдуқодир Осиенинг 43 терма жамоасидан қиммат

Абдуқодир учун тўланадиган маблағга эътибор қаратар эканмиз, қизиқ бир статистикаға гувоҳ бўламиз: Англия чемпионатининг ўзбек футболчиси учун тўлайдиган бадал пули (10 миллион евро бонусини ҳисобламаганда) Осиенинг деярли барча мамлакатлари терма жамоаларининг умумий қийматидан қиммат бўлмоқда.



ягона йўли футболчиларни сотиш эди. Ана шу вазиятдан Франциянинг "Ланс" клуби унумли фойдаланди. Клуб скаутлари ҳали Европада танилмаган, аммо салоҳияти юқори иқтидор соҳиби учун 100 минг евродан воз кечди. Текинга келган, арзиммаган маош олиб юрган футболчининг сотувидан шунча маблағ ишлаб олиш таклифи белорусларга ҳам маъқул келди.

Шу тариқа, Абдуқодир Хусанов Беларуссия чемпионатидан "Кучли бешлик" чемпионатиға ўтган илк футболчи сифатида тарихда ном қолдирди. Ҳамюртимизнинг француз клубидаги йиллик маоши 100 минг евро (олдинги клубидан деярли 100 баробар кўп) этиб белгиланди.

рақиблар у билан тўқнаш келишга чўчийдиган бўлиб қолишди. Шу тариқа, Абдуқодир клуб мухлислари қалбидан ҳамда қатор гранд клублар скаутларининг рўйхатидан жой олди.

Кўрсатаётган ўйинлари ортидан унинг трансфер нархи ҳам ошиб борди. 100 минг евроға харид қилинган футболчининг нархи бир йилда 12 миллион евроға кўтарилди. Футбол мутахассислари унинг ўйинларини таҳлил қилар экан, Абдуқодирнинг услубини Серхио Рамосға қиёслаб, агар у Бразилия, Испания ёки Англия футболчиси бўлганида нархи 60 миллион евродан кам бўлмаслигини таъкидлашарди.

Бир пайтлар "Бунёдкор"га керак бўлмаган футболчининг донги секин-аста Ев-

Атрофимиздаги олам



Чумчуқлар берган сабоқ

Чумчуқлар кўчманчи қушлар эмас. Улар жуда кичкина бўлишиға қарамай, совуқдан кўркмайдилар. Энг қаҳратон совуқ кунларда ҳам чумчуқлар қор билан қопланган дарахтларда гўёки Аёзобоннинг ёрдამчаларига ўхшаб ўтиришади.

Чумчуқлар ўз полапонларини фақат ҳашаротлар билан боқадилар. Уларнинг ўзлари ҳам ҳашаротларни истеъмол қилишни ёқтирадилар. Айнан баҳорда чумчуқларнинг фойдаси кўпроқ сезилади – бир жуфт чумчуқ оиласи бир ойда боғу-роғларга зараркундалик қилаётган ҳашаротлардан 3 килограммгача ейиши мумкин!

Чумчуқлар қўлмақларда ўзларини

чайқаганларида, бу об-ҳаво ўзгаришининг белгиси ҳисобланади. Қуёш ёруғлигида анча қизиқ қолган қўлмақларда сузувчи чумчуқлар нафақат бир-бирлари билан ҳазиллашадилар, балки улар ҳаво ўзгаришини ҳам ҳис қиладилар. Агар чумчуқлар сувда чайқалсалар – куёшли кун бўлади, лекин қурғоқчиликни ҳис қилишса, сувда эмас, қум ёки чангда чайқалишади.

Хитойда чумчуқларнинг йўқ бўлиб кетиши катта фожиаға олиб келган. XX асрнинг ўртасида Хитойда ҳосилни асраш учун чумчуқлар тўлиқ йўқ қилиб юборилган. Бу "Катта Хитой очлиги"ға олиб кел-

ган: чунки чумчуқлар йўқ бўлганидан кейин турли ҳашаротлар – куртлар ва ҳатто шиллиқуртлар жуда кўпайиб кетган. Улар барча донларни йўқ қилиб юборишган. Натижада 1959-1961 йилларда 16 дан 45 миллионгача одам очликдан ҳалок бўлган. Бу инсоният тарихидаги энг йирик очарчилик бўлган.

Шундан сўнг хитойликлар яна қўшни мамлакатлардан чумчуқлар сотиб олиб, уларни қайта кўпайтиришган. Бугунги кунда Хитойда чумчуқларга жуда эҳтиёткорлик билан муносабатда бўлишади.

Интернет маълумотлари асосида тайёрланди

Эълон

Ўзбекистон талабалар спорти Ассоциациясининг М.В.Ломоносов номидаги Москва давлат университетининг Тошкент шаҳридаги филиали "МДУ" (СТИР: 207285656) спорт клуби Ўзбекистон талабалар спорти Ассоциацияси Ихроия қўмитаси қарорига мувофиқ фаолиятини ихтиёрий тугаётганини маълум қилади.

Шунингдек, мазкур спорт клубиға тегишли Низом ва Гувоҳноманинг асл нусхаси йўқолганлиги сабабли ҳақиқий эмас деб ҳисобланади. Маълумот учун тел: (+998 97) 412-00-35.

Вилоят Фтизиатрия ва пульмонология маркази жамоаси Республика ихтисослаштирилган фтизиатрия ва пульмонология илмий-амалий тиббиёт маркази консултантлари, профессор Абдувоҳид Содиқовға акаси **АБДУЖАЛИЛ ҲОҶИ ОТАНИНГ** вафоти муносабати билан чуқур таъзия изҳор этади.

